

VERVS ECCLESIAE ADMINISTER

S I V E

DE S. IVONE

PAVPERVM PATRONO

ORATIO

34-6-E-4-

Habita in eiusdem Templo

AD EMINENTISSIMOS

S. R. E. CARDINALES

AB ANTONIO FANTAVTIO

Sem. Rom. C.



ROMAE, Typis Ignatij de Lazaris. M.DC.LXXII.  
SUPERIORVM PERMISSV.

19

19

THE UNIVERSITY OF CHICAGO

LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY



EMINENTISS. PRINCIPI  
**FRIDERICO**  
CARD. LANGR AVIO

*ANTONIUS FANTAVTIVS  
FELICITATEM*



VDEO, Em. Princeps, literarium hoc munus ad Te deferre, compulsus necessitate, quæ omnes audaces facit; Debeo enim aliquid saltem tenue offerre innumeris Tibi beneficijs obstrictus. Præterea hæc Oratio verum Ecclesiæ Administrum repræsentat; Tu autem Eminentissimus Nobilitate simul & Dignitate tot nominibus primarias Ecclesiæ partes agis Diaconus Cardinalis, Sacræ Cæsareæ Maiestatis apud Sedem

A 2      Apo-

Apostolicam Orator , Equestris Ordinis  
S. Ioannis Baptistæ Hierosolymitani su-  
premus per Germaniam Magister , Sac.  
Rom. Imperij, & Inclytæ Nationis Ger-  
manicæ, ac etiam Regnorum Aragoniæ,  
Sardiniaque Protector , nec solum Ma-  
gnorum locorum Princeps , sed etiam  
Vratislaviensis Episcopus ; adeoque iure  
Tibi eam debeo & dico. Tuæ summæ  
benignitatis erit illam accipere, gratam-  
que meam voluntatem excusare . Vale  
omnium bono



## ORATIO.



CONDITOR & mundi, & Ecclesię Deus, Emin. Principes, quemadmodum Stellas ad corpora moderanda locauit in Cœlo, vt essent in Orbe Naturę

signa potentię, ita pari prouidentia ad regendos Animos constituit Administros in Ecclesia, vt sint in Orbe Sanctitatis instrumenta Euangelicę Virtutis; Administer enim Ecclesię non est priuatę fortunę, sed publicę Curator salutis.

Itaque opportunè in hoc insigni Romano Gymnasio non solum arā, & templo, sed etiam anniuersaria laudatione Vir sanctissimus IVO colitur, & commendatur, vt Roma Ecclesię Regia, dum veneratur & laudat, etiam imitetur

tur Verum Ecclesiæ Administrum; Atque huiusmodi fuisse IVONEM paucis ostendam.

Ex Conciliorum, Canonumque Sacrorum Oraculis constat; Triplex esse debere munus Illius, qui Ecclesiæ sincero animo seruit, ac studet; primum nempe oportet, ut excellat scientia; deinde iura, & commoda Ecclesiæ tueatur; demum iuuet, foueatque pauperes. Hoc triplici munere quasi Munimento firmata Diuinitatis Arx nec horrescit impetum obsidentium Inferorum, nec Tenebrarum insultantium potestatem reformidat.

Quare miri non est, si suam IVO Vitam hoc triplici quoque ardore animauerit. Inerat Illi tam nobile, accuratumque sciendi studium, ut omne doctrinæ genus calleret, ac foueret: arcanis Iuris dum profitebatur, exequabatur: instruebat documento Populos; Sapientes exemplo: non amicitia, sed iustitiæ causam agebat: iudicabat mente sua, non aliena: nam turpe est iudicem pendere ab aliorum iudicio: & hoc vnum erubescere, se impetitum videri, dum Ecclesiam erudiebat; Administer enim Ecclesiæ, est etiam Ecclesiæ Magister.

Quam fortiter autem Ecclesiæ iura & commoda asseruerit, non est cui memorem Intel-  
lige.

ligebat ex vna parte ; Non esse aliud Ecclesiam ,  
 quam Imperium Spiritus Sancti ; Christi hære-  
 ditatem , Aerarium Empyreï, Gèneris humani  
 præsidium ; & ex alia cognoscebat inexorabilem  
 fore Dei ultionem , si humana Diuinis postha-  
 berentur , si Terra præferretur Cælo , si pluri-  
 fieret opulencia Mortalitatís, quam Aeternitatis  
 possessio. Hinc totus anhelabat ad agenda-  
 Ecclesiæ causam , & pugnabat pro ea vigilijs , viri-  
 bus, laboribus, prodigijs . Minabantur audacia  
 verba ? innocenti constantia excipiebat . Læde-  
 bant improba facta ? Seueritate ingenia redar-  
 guebat . Obstabat armata Potentia ? oppone-  
 bat nudum avaritia pectus ; quippe auri contem-  
 ptus est Clypeus plusquam adamantinus aduer-  
 sum violentiam . Hoc etiam ardore incensus non  
 modo iura , & commoda , sed etiam Virtutes  
 Ecclesiæ vindicabat : deserta sanctimonia per-  
 ditur auctoritas , & aspernamur honorem , ubi ne-  
 gligitur virtus ; nam Dignitas veritate nititur ,  
 virtute probatur .

Ex hoc etiam Ecclesiæ studio ingens illa orie-  
 batur iuuandi Pauperes cupiditas , & industria ,  
 cum didicisset ex Diuinæ Sapientiæ testimonio ,  
 & Cælum , & Ecclesiam esse Regnum Paupe-  
 rum , quos tanti æstimabat , vt ipse Imperator  
 Mor-

Mortalitatis , Immortalitatis arbiter , Potentiæ Terror, & Omnium Bonorum Opifex, & Auditor Christus honori sibi duxerit, specie pauperis adire IVONEM, illique immensam splendide Diuinitatis repræsentare Maiestatem; vt constaret Omnibus, tunc Ecclesiæ splendorem augeri ab Administris, cum Pauperes iuantur, & fouentur.

O verè fortunatum IVONEM, qui tam præclare tanti Administri partes nobis exemplo suo approbavit; siquidem vera fortunæ magnitudo in eo posita est, vt Rempublicam omni, qua possumus arte sustentemus; Certe sic haberet semper felicitas nostra, vnde cresceret; Pro- uidentia enim Diuina impertitur arcano consilio felicitatem, vt simus alijs felices; deficit autem felicitas, & crescit eo gradu, quo publicæ consulitur Saluti.

